

Na sala de comisións “Concepción Arenal” do pazo Parlamento de Galicia reúnese a Comisión 7ª, Agricultura, Alimentación, Gandería e Montes, o día 20 de decembro de 2024, ás 10:30 horas, logo da convocatoria remitida para o efecto.

Asisten as persoas que se relacionan a seguir:

**Mesa:**

María Encarnación Amigo Díaz  
(Presidenta)  
Argimiro Marnotes Fernández  
(en substitución de José Manuel Mato Díaz)  
(Vicepresidente en funcións)  
Montserrat Valcárcel Armesto  
(Secretaria)

**Vogais:**

**Grupo Parlamentario Popular de Galicia (P):**

Victor Manuel Baladrón Lamas  
(en substitución de Cristina Campero Dorado)  
Enrique Barreiro Sánchez  
Juan Manuel Casares Gándara  
Nicole Grueira Fernández  
Ángel Rodríguez Conde  
Cecilia Vázquez Suárez  
Miguel Ángel Viso Diéguez

**Grupo Parlamentario do Bloque Nacionalista Galego (BNG):**

Xosé Luís Bará Torres  
Secundino Fernández Fernández  
Ariadna Fernández González  
Sonia Vidal Lamas

**Grupo Parlamentario dos Socialistas de Galicia (S):**

Lara Méndez López  
María del Carmen Rodríguez Dacosta

**Grupo Parlamentario Mixto (M):**

Armando Ojea Bouzo

**Preguntante:**

Paulo Ríos Santomé

**Comparecentes:**

Director xeral da PAC e do Control da Cadea Alimentaria  
Directora xeral de Patrimonio Natural  
Director xeral de Simplificación Administrativa e do Patrimonio

**Letrada:**

María Vicenta Aneiros González

A presidenta abre a sesión e rógalle á secretaria que lle dea lectura á relación de membros titulares da Comisión para os efectos de comprobar a existencia de quórum de constitución.

Logo da constatación deste, a Presidencia, previo acordo cos portavoces dos distintos grupos parlamentarios, dá conta dunha alteración na orde de debate das iniciativas que conforman a orde do día desta sesión, consistente en tramitar en primeiro lugar a pregunta doc. núm. 10730 (1.2).

## **Punto 1. Preguntas**

- 1.1            10730 (12/POC-001827)**  
**Grupo Parlamentario dos Socialistas de Galicia**  
**Rodríguez Dacosta, María del Carmen e Méndez López, Lara**  
**Sobre o estado do paseo inclusivo promovido pola Xunta de Galicia en**  
**Río Caldo, Lobios, para persoas con problemas de mobilidade, o seu**  
**deseño final e os prazos para o remate da obra**  
***Publicación da iniciativa, BOPG n.º 88f2, do 20.09.2024***

A Presidencia concédelle a palabra á **señora Rodríguez Dacosta, María del Carmen (S)**, quen pasa a expoñer os motivos nos que basean as preguntas concretas que se formulan na iniciativa e que aparecen publicadas no BOPG anteriormente subliñado

A señora presidenta, logo de darlle a benvida á Comisión, concédelle a palabra á **directora xeral de Patrimonio Natural, (Consellería de Medio Ambiente e Cambio Climático) María Sol Díaz Mouteira** quen, logo de agradecer a alteración da orde día e pedir desculpas por se houber ocasionado algún trastorno, procede a dar resposta ás inquiredanzas formuladas.

En rolda de réplica, a **señora Rodríguez Dacosta, María del Carmen (S)**, agradece a información recibida sobre a que expón novas consideracións.

Pecha o debate da iniciativa a **directora xeral de Patrimonio Natural**, completando a información facilitada na súa anterior intervención e desexando felices festas a todos.

*A Presidencia agradece a colaboración da señora directora xeral cos traballos da Comisión e autorízaa a abandonar a sesión, xa que non ten mais preguntas ás que teña que dar resposta.*

- 1.2                    8708 (12/POC-001561)**  
**Grupo Parlamentario dos Socialistas de Galicia**  
**Méndez López, Lara e Rodríguez Dacosta, María del Carmen**  
**Sobre as previsións da Xunta de Galicia respecto da creación dun foro**  
**de colaboración e escoita do sector lácteo que teña por finalidade a**  
**busca de solucións ás distintas problemáticas do sector**  
*Publicación da iniciativa, BOPG n.º 70f2, do 23.08.2024*

A **señora Méndez López, Lara (S)**, dá conta das razóns que levaron ao seu grupo á formulación desta pregunta, expresándose en termos semellantes aos que aparecen publicados no Boletín Oficial do Parlamento.

En representación da Xunta de Galicia, contéstalle o **director xeral da PAC e do Control da Cadea Alimentaria (Consellería de Medio Rural), Juan José Cerviño Varela**.

En rolda de réplica a **señora Méndez López, Lara (S)**, agradece a resposta recibida sobre a que expón novas consideracións.

O **director xeral da PAC e do Control da Cadea Alimentaria**, pecha o debate desta iniciativa ampliando os datos amosados na súa anterior intervención e respondendo deste xeito ás consideración plantexadas.

- 1.3                    12008 (12/POC-001996)**  
**Grupo Parlamentario do Bloque Nacionalista Galego**  
**Vidal Lamas, Sonia e 4 máis**  
**Sobre a situación da produción ecolóxica no agro galego e as medidas**  
**previstas pola Xunta de Galicia para o seu impulso**  
*Publicación da iniciativa, BOPG n.º 95f1, do 02.10.2024*

A **señora Vidal Lamas, Sonia (BNG)**, procede á defensa e formulación da súa iniciativa, ampliando os argumentos que da mesma se expoñen por escrito e que están publicados no Boletín Oficial do Parlamento.

Para dar resposta a esta pregunta intervén, en nome da Xunta de Galicia, o **director xeral da PAC e do Control da Cadea Alimentaria (Consellería de Medio Rural), Juan José Cerviño Varela**.

En rolda de réplica, a **señora Vidal Lamas, Sonia (BNG)**, comenta os datos aportados polo señor director xeral cos que non concorda e sobre os que expón novas consideracións.

Pecha o debate da iniciativa o **director xeral da PAC e do Control da Cadea Alimentaria**, ampliando e reiterando a información sobre algunhas cuestións concretas ás que fixo referencia a señora deputada na súa intervención inmediatamente anterior.

**1.4**            **14403 (12/POC-002270)**  
**Grupo Parlamentario Popular de Galicia**  
**Grueira Fernández, Nicole e 8 máis**  
**Sobre o adianto do aboamento das axudas da política agraria común (PAC) correspondentes a este ano**  
*Publicación da iniciativa, BOPG n.º 118f1, do 20.11.2024*

A Presidencia concédelle a palabra o **señor Viso Diéguez, Miguel Ángel (P)**, que expón os motivos nos que se basea a formulación das cuestións concretas que figuran na iniciativa, ampliando os que se conteñen na súa publicación no Boletín Oficial do Parlamento.

En representación da Xunta de Galicia, contéstalle o **director xeral da PAC e do Control da Cadea Alimentaria, (Consellería do Medio Rural), Juan José Cerviño Varela**.

En rolda de réplica, o **señor Viso Diéguez, Miguel Ángel (P)**, agradece a información recibida e comenta brevemente a mesma.

Pecha o debate desta iniciativa o **director xeral da PAC e do Control da Cadea Alimentaria, Juan José Cerviño Varela**, pecha o debate aportando máis datos sobre o tema obxecto da pregunta.

*O señor presidente agradece a presenza da señor Cerviño Varela nesta sesión da e desculpa a súa ausencia se desexa retirarse da mesma para atender outras obrigas.*

**1.5**            **15047 (12/POC-002344)**  
**Grupo Parlamentario do Bloque Nacionalista Galego**  
**Ríos Santomé, Paulo e Fernández Fernández, Secundino**  
**Sobre a postura da Xunta de Galicia verbo da cesión ao Concello de Bueu do local da antiga Cámara Agraria e as previsións que ten sobre a materialización desta demanda histórica das sucesivas corporacións municipais da vila**  
*Publicación da iniciativa, BOPG n.º 127, do 04.12.2024*

A Presidencia concédelle a palabra ao **señor Ríos Santomé, Paulo (BNG)**, que pasa a dar conta das razóns que motivaron a formulación desta iniciativa, expresándose en

termos semellantes aos que aparecen publicados no Boletín Oficial do Parlamento.

Para a súa resposta intervén por parte da Xunta de Galicia o **director xeral de Simplificación Administrativa e do Patrimonio (Consellería de Facenda e Administración Pública)**, José María Barreiro Díaz.

Na rolda de réplica o **señor Ríos Santomé, Paulo (BNG)**, manifesta o seu desacordo coa información recibida e insiste no tema obxecto de debate con novas consideracións ao respecto.

O **director xeral de Simplificación Administrativa e do Patrimonio**, pecha o debate desta iniciativa puntualizando a súa intervención anterior e contestando ás novas consideracións formuladas.

*A Presidencia agradece a presenza do señor Barreiro Díaz e deséxalle boas festas.*

Non habendo máis asuntos que tratar, a presidenta desexa bo Nadal a todos e agradece o asesoramento dos servizos da Cámara.

Remata a sesión ás 13:05 horas.

**V. e pr.**  
**María Encarnación Amigo Díaz**  
**Presidenta da Comisión**

**Montserrat Valcárcel Armesto**  
**Secretaria da Comisión**